

疆域志

沿革

星野

地界

形勢

風俗

山川志

山

川

附洞

池泉

古蹟

重修靜樂縣志序

二十六年徵集之序

靜樂邑志自前代李紳纂集之後閱歷九十年所無有繼起而修之者文獻不備最為邑中闕典予乙亥承乏補任茲土視事之暇每披覽舊乘不勝慨嘆謂此修明典故纂述遺文寧可諉為非長

靜樂縣志

一

吏事耶且夫邑中紳士豈遂無家傳秘笈紀事藏本如前輩所謂李氏春秋者老成典型於焉攸賴其或深思好學之士念切時務編紀舊聞又或田間父老方言雜記存什一於千百均足以供採擇資剗剗當此絕續之際乃不及時搜

致而再為俟之將來恐年愈遠則事愈
畧勢不至以九十年間之事盡湮沒無
傳不止用是亟為徵集遍語紳士耆宿
舉凡家有遺書及夙有聞見事無鉅細
悉為抄錄投之靜安堂以備考究久之
得李公猶龍昔所手書舊志行間者於

往事多所傳記繼且得呂生新鑄抄本
近事頗詳又賴諸庠士於古梵剎斷石
殘碣中時有採錄不無鴻文鉅筆堪補
舊志之所未載於是乎前此茫然無稽
者今則燦然畢陳於前矣廼為考諸晉
陽通志衷諸四隣州縣志亦有證及古

載籍者校讐異同編次成帙付之梨棗
朞月而工竣邑人士無不樂書之幸觀
厥成也予因思始為邑志者李紳自叙
治戴氏禮而道憲閣公以庚辰禮魁按
靜而志成蓋幸遭遇匪偶疑若有淵源
默授者然予家傳治易乃其售於棘闈

實由戴經也且志亦幾費纂集矣而告

成適在庚辰

舊志修于前萬曆三十九年
新志重修于康熙三十九年

九年然則前後數十年之間勿亦有所待

而然與要之遠稽近攷別類分門新志
原本舊志不相予盾惟繪圖增補星宿
而諸圖從各門類分附之便于披閱不

妨從異又謹遵志體紀善不紀惡比諸
居其邦不非其大夫之例他如恠誕者
正之若龍泉指為犬舐仙葩信為美姬
之類鄙謬者刪之若孫行者婁煩人陽
光洞出門拾金之類諸所辨正其說甚
夥斯實學人信理不肯自迷於荒唐之

說以欺當世而悞來學是有關於人心
世教之防者也獨是自乙亥以來兵荒
洊至戶口凋殘簪筆而記版圖不無怵
心于鴻雁惕志千星畱者矣至于人文
氣弱豈不加意振興而丙子己卯兩科
無得當者焉姚生珣僅叨空薦耳則夫

志選舉當亦與志賦役同慨斯又長民
者念切邑事所憊憊不忘之苦心也故
因叙志而並及之是為序

皆

康熙三十九年歲在庚辰腊月望日日
躔元枵之次

靜樂縣志序

五

賜進士第文林郎知靜樂縣事黃圖昌
叔大氏題



原序 前至子年

爲平道閣士選

靜樂古分冀域黃帝堯舜之所經理也世移代遷其民舍和飲淳跨山臨水以生以養出作入息猶有穴居野處帝力何有之意蓋結繩之風也以故前代無志而迄於今亦未有志也有之自今日監生李糗始糗以載氏禮傳家父子兄弟自相師友每慨然於邑乘之未備也至糗而始編摩成書僅名曰志略若謂存什一於千百耳嗟夫椎輪爲大輅之始乃大輅成而椎輪之質亡矣然椎輪者固其初也增冰爲積水所成及積水融而增冰之凜亡矣然增冰

靜樂縣志

原序

一

者固其基也物既有之文亦宣然孰謂是書非茲邑初乘而爲觀風者所必稽乎余以治兵使者按靜樂而邑故無磚城自縣尹程君至率作興事而城始完也因請於余曰城以盛民乘以紀事二者俱不可缺余曰城郭廛耳志則包羅搜括紀實而存信昭遠而揭藝乃精神所寄也是志固急於城矣因序而梓之

李 糗

春秋是非之譖亦法戒之牒也太原諸邑有春秋而靜樂亡春秋舊有毗家抄藏俗本事未賅而文不雅大都好事

者為之也縉紳先生難言之先君子用是太息糺自髫年
有志於此每於誦讀之暇取方輿勝覽文獻通考大明一
統志皇輿考廣輿圖山西通志四鄰州縣志與邑氓俗本
校讎異同又於父老所稱引如鄉碩宦執運氣祿祥之概
不即湮滅者類輯成編自額李氏春秋實之筐笥以資觀
省而田賦丁賦等人為增損載在版章者則非諸生所敢
知也萬曆辛丑黃太府銳意太原通志每於所隸徵一士
入三賢書院從京兆仰山萬先生自約纂緒之而糺不才
濫與茲役於是公門一切始叩其詳為翻其初終而條貫

靜樂縣志

原序

二

之業具必衡定於萬先生廼呈主司而府庫焉從此李氏
春秋拔為公典非復鄉耆一家言矣但恐阻於見聞有虧
全體姑易名靜樂縣志略以待來茲而實錄之中不無矛
盾與夫三代之民公是公非之大致謬慙心見繫以卮言
蓋欲請教於大方且以寓異日者持以質正於先君子之
竟而知我罪我所不卹云

李 糺

往不才糺從萬先生撰次邑志既報完於主司矣以太原
通志未卒業並疲縣乏資故意志未得災木萬曆壬子夏

鴈平道代署寧武糗以謁銓故竭蹶鴈門見所題天限
勾注千山扶北闕地分屏翰滹沱一水奠西陲之句廼
知為大宗師立吾閭公風憲也公自庚辰以禮魁飛鳴聲
震天下凡天下有心人咸仰止之唯不才昆季亦治載禮
故誦法年深而企慕心切凡精以選貢叨安州弟糧舉辛
卯十三名而今者糗又蟬蛻於龍門一識荊州敢云殊遇
無何大宗師節閤靜鄙糗與同事生彬郊迎亭見兢兢脩
下士之儀越明日辱公翰召廼出不才所為志藁而稱可
之議動紙贖票縣督刊其諄諄於贖典者一則曰改定一

靜樂縣志

原序

三

則曰補完一則曰食貨志再加訂正一則曰官師志須留
空楮又因糗與彬拜懇序文慨然許允凡此種種皆吾兩
人所受命飲冰而一時官師士子所未獲躬聆者噫嘻盛
哉何其幸也追惟靜樂文獻久湮自黃太府督修邑志又
十餘年所矣太府行矣曾未有損一金擲一木付殺青氏
亦未有降顏解頤而齒頰邑志者則今日之舉豈偶然哉
無論黑子靜樂山河鄙陋得大有力者拭拂而潤色之光
恠射人雖以不才糗寥寥庖言一蒙鼓吹有如藐姑射之
神人能令羽化而仙昇者是詎直青萍結綠長價薛卞之

門已哉。糗不才躬逢其盛，豈惟糗不才之幸，即靜鄙與有
幸焉。蓋凡天下缺者貴，缺而難得者貴，得之而可傳久遠
者貴。邑志業擅其三，貴豈非不才糗與靜鄙之幸也哉。故
前序見纂述之，自後序見鐫鐫之，由非侈也，而難以與俗
人言也。

危言曰：篇中所稱，抄志出先進郝鯤家紀載往蹟，與有
賴焉。萬曆丙戌歲，古完劉公徵六生析類，竊修未就，解
館辛丑，事見不才前叙。丙午，曲周羅公責糗續纂完，更
煩兩師十友訂正，未列至壬子，子獲殺青，詳見後叙。

靜樂縣志

原序

知縣 程希堯

志備忘也。堦堦中綺分繡錯，孰得少之，而靜樂獨無。夫非
盡入職方，與閭道尊有慨於中久矣。於是有新裁舊文之
役，捐俸壽梓，甚盛意也。下吏分在簿書案牘，安問域權，惟
是徵靈籍光詹詹，簡未曰自古晉有乘魯有春秋，今晉志
其乘之遺乎。春秋書祿勝於書祥，今志錄媿勝於錄惡，宣
乘不得與春秋並傳，非其質也。邑賢李上舍懷鉛握槧，衣
鉞宦遊，殆與諸郡邑異。須令靜之本質勿滅於文，乃直筆
哉。夫此中峙湫扶疎，流絕泳沫，天柱汾陽，目不信耳，遙望

金湯一彈丸孤懸漫波無情非要返害入其會敗屋僂垣
淒其極目太史弔古寧愛迴轅且桂馨桃浪往往之人尚
可藉口百六會也如石如筵成之閣修亦類景慶希覩是
三晉有志自有靜邑無志本無上舍嫻文報命無轉為有
而二酉三豕苦窮於索有詎掩魚有不盡有無不終無譚
非遷而記湮固得姪而書竣實惟賴有道之來茲

靜樂縣志

原序

五

重修靜樂縣志凡例

一靜樂始自隋大業間其縣治則建於洪武初年沿革建置往代多不可攷而古志又闕焉無聞所藏志略蓋始於萬曆壬子李氏一家之言近今百年以來之事不備則風土人物創建治績勢將泯焉無傳其何以壯一邑茲為博採廣搜刪繁補略編定十卷庶成大觀

一志例首重疆域山川所以悉形勢也如古蹟陵墓之屬不過附載勝境以備考詳初無關於地里乃舊志

靜樂縣志

凡例

一

所載濶而為一殊多雜亂今分為疆域山川二類附風俗於疆域附陵墓於山川庶幾觀者一目瞭然一建置城池公署諸類為前代善政豈忍湮沒今悉依舊志所載為分款列項並詳近事以廣後傳他如壇壝寺觀橋梁諸項雖不足以供勝觀然皆為利民之事自當附載於後

一戶口田賦為

國家重務寧詳毋畧如物產之有無則必考其地之虛實然後地實可彰今靜邑僻處山陬風土殊異粟麥

而外所產無幾即舊志所載者且多虛冒地產豈今昔之造化或殊耶抑亦借異地之名物以誇耀耳目耶茲為辯定庶足訂訛

一學校所以正人倫祀典祭儀皆不可闕今皆補舊志所無庶靜邑人士咸知大典即鄉飲鄉射悉係古制舊所未載亦宣補入若原志附壇壝寺觀於文廟之後似為失體茲概訂正

一官師舊志遺失過多蓋以文獻無徵姑從原本如近代悉為增入所著功績雖微必彰

靜樂縣志

凡例

二

一人物首重科第而靜邑素隸仕國旌封乃竟寥寥寡傳豈山川鍾靈孕秀亦將有所待耶至如品行諸類悉從公矢慎附入必不敢以優孟衣冠貽譏於司馬也

一藝文志所不廢無如名篇寂寂或亦兵燹廢篋不無遺失又恐賢嗣失守纘緒無聞今悉搜緝用彰吉光一舊載野史雖不盡闕靜邑然邊境所係亦不妨存或亦為採風者所不遺焉

一舊志條目雜亂辭多鄙俚數見不當今削者削更者

更務期大雅以備大觀非好為異同也

一官員在任者例載履歷其事蹟不得預書概闕之以俟將來

重修靜樂縣志目錄

一卷

疆域志

沿革 星野 地界
形勢 風俗

二卷

山川志

山川 附洞
池泉 古蹟

三卷

建置志

城池 公署 驛鋪 集市
墩堡 橋梁 壇廟 惠典

四卷

賦役志

田賦 丁徭 歲課
物產 災變

靜樂縣志

目錄

一

五卷

學校志

文廟 祀典 祭儀
鄉飲 鄉射

六卷

職官志

官廨 宦績

七卷

選舉志

科第 貢監 吏選
武科 武科

八卷

人物志

勲賢 儒行 孝友 武畧
封典 高義 列女 寶善

九卷

藝文志

文

詩

十卷

雜紀志

靜樂縣志

目錄

二

靜樂縣志一卷

二十六年徵集之書

知縣事長垣黃圖昌淑岱纂修

疆域志

古者封建之制各君其國各子其民蓋甚重乎分土而理也疆域不綦要哉覽輿圖識九州之勝考通志紀三分之遺下此辨壤別圉一城一邑與有事焉靜雖撮爾山城而閩河險阻儼然西鄙咽喉往昔故轍猶有存者觀風問俗不將於是取衷乎倘或天官地輿文獻失考何以稽往制示來茲守土者能不闕畧是懼爰志疆域

靜樂縣志

一卷疆域

一

曰沿革曰星野曰地界曰形勢曰風俗

沿革

通志靜樂縣在府城西北出天門越兩嶺下汾原跨山臨水今縣置也古分

唐堯冀北之野屬冀州地

虞舜有天下以冀廣割西北為并州屬并州地

夏復為冀州又屬冀

殷仍屬冀無改

周封叔虞為唐侯侯子燮改國號為晉屬晉地